

欽定四庫全書

子部

普濟方卷三百九十七



北京中醫藥大學圖書館版權所有

詳校官太醫院院使_臣張肇基

編修_臣倉聖脈覆勘

大醫方脈經

普濟方卷三百九十六

嬰兒下痢

一乃

白積

周王朱楠撰

馬曰冷熱不調曰休息

成冷痢白積熱痢赤積

積下無度驚痢青積休

息痢其黑如魚肝愈而復作冷痢停積不下吐大飲食不

為肌膚氣息大便秘澀疼痛啼叫蠱毒痢下紫黑不可
不詳察略具數方量大小以大方藥斟酌用之 痢與
瀉名雖不同感受之源一也胃為水穀之海其精英則
流布以養五臟其糟粕則傳送以歸大腸葛氏曰內由
腸胃虛冷乳食積滯外因感冒寒熱所傷遂成瀉痢楊
氏曰傷風者自汗惡風痛引腰脊鼻塞項強夾寒者筋
節拘急面慘惡寒傷暑者面垢煩躁渴飲水漿背寒自
汗傷濕者肌肉虛浮身痛重着冷則腸鳴肚冷而手足

清冷熱則煩躁身熱而手足溫熱不調者乍熱乍冷熱積於內者不能去其積徒以冷藥解之熱氣無所發泄故冷熱相搏而下注或冷積於中不能去其滯徒以熱藥壓之冷積不能宣通故冷熱相干而或泄外則傷食一證食飢傷飽胃不能消心腹膨脹所下酸臭夜熱晝涼泄者若脾胃合氣以消水穀水穀既分安有所謂脾積而泄也痢之赤白其赤者熱乘於血血滲大腸則赤也若風邪夾熱則所下黃而赤焉白者冷搏腸間精凝

滯則白也若寒邪併之則所下白而黑焉冷熱相交故
赤白相半重者狀若濃涕而雜之輕者白涕中間微有
黑縷內挾風邪故清血注毒如腸胃之間則下如豆汁
或有瘀血也 痢頻不食腹脹喘粗下糞如黑澤身熱
渴脉大者皆不可治也 楊氏曰究以受病之源決以
對病之藥大要散風邪行滯氣消積滯開胃脘為先不
可使用肉豆蔻訶子白朮革補住寒邪不可悞投罌粟
殼龍骨榴皮等閉澁腸胃邪氣得補而愈勝腸胃澁滯

則腫脹日久淹延而未愈也至若泄瀉之後腹滿身疼
厥逆是為表裏俱病急與理中湯溫裏仍以桂皮湯解
表活人書已言之泄瀉而面色青慘者肝經受寒寒肝
之賊木能勝土古人慮之特設當歸厚朴湯以活之玄
機論曰大便黑者難瘥痢出於積滯積物積也滯氣
滯也物積欲出而氣滯之不與出是以下墜裏急乍起
乍止日夜頻併多因傷暑伏熱食啖熱毒之物而得物
積用巴豆大黃葶氣滯用枳殼桔梗青皮蓬朮等以黃

連九佐之阿膠九乃大腸虛滑有熱毒留滯則能疎導
無熱毒則能安愈無阿膠九即以當歸青皮赤茯苓黃
連阿膠炒作劑入烏梅濃蜜同煎甚能蕩滌惡穢積滯
既去痢數漸疎調以木香茯苓縮砂白豆蔻陳皮甘草
和胃食後以真人養臟湯易簡斷下湯可止則止下
痢雖曰有積有暑如用藥不效即是腸胃有風邪冷熱
如熱者赤者宜敗毒散冷者白者宜不換金正氣散加
木香下痢壯熱須用敗毒散如陳米飲調五苓散佐

之或下阿膠丸 凡卒暴注下皆因乳食不節脾胃傷胃
濕熱水穀不分洞泄不止夏熱飲水食冷之由多有之
不可便服止瀉及溫煖之劑必成裏急後重成痢積也
凡痢疾不進乳食此乃邪氣疫毒傳入臟腑必成噤口
痢九死一生先當用敗毒散加陳糯米一百二十粒服
經效 傷食痢乃乳哺太飽損傷脾胃不能消化遂成
積痢其證夜熱晝冷氣急發渴目胞腫肚腹硬下痢酸
臭湯氏曰此瀉難止亦不宜補當應紫霜丸或五積丸

白湯下取其積虛者調消積飲吞下補脾止痢消積飲
同益黃散煎縮砂湯調服 熱血痢裏急而痛已疎通
而下吐乃榮血虧少當於藥中以川芎為佐以調榮血
凡小兒患痢之時未熱久積氣虛其臟腑虛急作熱
此屬惡候終見痢後作熱此兒臟腑虛弱同於虛熱主
治其或三焦熱引飲不歇四肢浮腫者理宜溫補臟腑
散除濕氣喘則難治凡痢熱疳熱吐瀉熱不可發散退
熱不佐寒涼藥但理其病源調其臟腑和其榮衛生其

胃氣令進飲食加與痢藥服之參酌赤白多少膿血相雜裏急後重用行血後腸胃和中脘溫臟腑其熱自然退愈凡小兒患痢不問輕重忌葷腥冷熱炙煨醃醢應毒之物若恣口腹愈而復作若要永安須用戒絕之矣

赤痢當用黃連地榆罌粟殼阿膠等藥白痢當用乾薑訶子龍骨人參豆蔻等藥赤白痢當用沒石子黃連豆蔻噤口痢治當用先助胃壯脾漸能入食始用木香橘皮等藥若更虛弱加以附子依此調理數日飲食頗

進漸有黃糞夾雜脾胃漸能充化當以去積藥下之若
據幼幼新書皆用褊銀丸今之小兒非上古稟受之比
久痢腸胃已薄豈宜用膩粉等藥以取之若執方反成
大害余治痢之法若欲取積只用官局進食丸甚穩雖
取積而又能治痢萬無一失積已下而急以四君子湯
加豆蔻訶子補之常服厚腸香丸此得效之法然當斟
酌恐孩兒有虛實又當隨機變化虛極者加以附子之
屬凡痢久則冷腫滿下焦偏令上焦熱結熏蒸於肝

則眼昏生翳古今八痢者因觸八邪所得故名八痢八邪者飢飽勞疫風驚暑濕八般痢者強而為名其實皆冷熱所作也下痢舌黃燥不渴胃中實熱腹滿身熱譫語者復有燥糞大柴胡湯下之後與瀉腸痢藥如覺有食積或久痢不退先補脾次與妙靈丸下之後再補脾胃若下痢者舌白而渴小柴胡加罌粟無如此妙也大柴胡湯亦宜加之虛腫者女麴散痢後成疳眼生翳者六甲丸并溫平疳藥治之

楊達押綱子五歲七月中患痢自與治不退召愚視之見

兒攢眉乃痢之後作煩主人問兒欲思酒可與否遂問
兒平日曾飲酒曰不曾飲痢忽思酒時欲飲之荅曰此
病不治素問云病不治者治之無功蓋痢欲思酒者是
大腸已虛津液已枯榮衛不能相滋是猶日薄西山無
住之況主人怒曰兒痢方十餘日久又能食而不熱證
候平穩何相駭也若果不能治幾日當絕荅曰今未絕
直候兒蕪藥食喉中鳴响三日內涎潮肺絕當卒有氣
急者五日不退再七日而死矣肺與大腸為表裏表裏
俱絕即死正如齊侯抱將死之疾怒扁鵲之先見也乃
長揖而退楊別易數醫旬日病雖不退皆言不妨忽一
日咽湯飲喉中鳴响再告召愚楊慚對曰果如君言能
救之否荅曰不可果三日內涎潮而卒後楊請問此二
証出何書而說死荅曰諸書皆不載歷試三十年累見
斯証試之多驗故敢言不治也知縣冷世修子三歲
八月中患膿血痢累醫作食痢或作暑痢或作疳痢或
用感應丸或用胃風湯紫丸子下之并雜藥共治五十餘

日皆無應放召愚視之其証面黃憔悴多睡露睛溫熱
溫疼大便黧血或如豆汁雜色腥臭愚曰病久可危可
喜者面白而不昏是形氣相得色黃而滋潤是色澤以
浮脈沉而有力是脈從四時素問曰形氣相得謂之可
治也澤以浮謂之易兼脈從四時又手足不冷雖危可
治蓋此病脾胃有風虛中有積前後醫者雖以胃風湯
主風下氣紫九子下積滯猶在所以進退日久也問曰
何知有風積錢氏曰多睡露睛身溫風在脾胃故大便
不聚孫氏曰大便雜色米穀不化腥臭肥膩虛中有積
或腸中沉冷今用四君子湯胃風湯四物湯此三藥助
氣和胃調脾活血共治五日各二服次與宣風散連
進二服令微利去脾間風再進前藥二日空心與妙靈
丸一服去沉積瀉數行再四君子湯加訶
子末一日六服後用訶子膏駐車治愈

方

大效至聖千金飲子

活幼口議

治小兒脾積虛痢下五色先

由嘔吐復作泄瀉臍腹痛脇肋脹滿受濕虛鳴膿
血相雜下如豆汁亦如瘀血日夜無度食少羸瘦宜
服

綿黃耆

蜜炙

甘草

陳皮

罌粟

炙

木香

白芍

地榆

川當歸

枳殼

麩炒

黑豆

炒

烏梅

淮棗

白朮

訶子

炮去核

黃連

右等分咬咀每服一錢水一小盞煎半盞去滓通口

與服

議曰臟腑虛中加燥故患熱痢或爾虛寒或患冷痢或有暑氣冒之水穀不分或受濕氣臨之腸胃有作因食毒傷觸脾肺或因宿冷停積臟腑或因表裏不解因冷熱相承或因飲過多或因飲饌不及多食醃鹹常噉魚腥或是母懷胞胎恣其口腹積之日久氣不宣通遂令患疾有加發作無度畢竟腸胃虛損日夜呬冷痢下頻併宜服此方效驗